



Incumbensas da las personas incumbensadas per la promoziun da la sanadad e per la prevenziun sin stgalim da scola

Finamira

La promoziun da la sanadad e la prevenziun pertutgan tut ils nivels da la scola (instrucziun, team, organisaziun da la scola, autoritad da scola, lavur cun geniturs) e lavuran cun ina basa cumplexsiva. La finamira è quella da crear in spazi da viver "scola" che promova la sanadad ed il bainstar a la piazza d'emprender e da lavur da tut las scolaras e scolars, da las personas d'instrucziun e dal personal che n'instruescha betg.



Organisaziun

La persona d'instrucziun è responsabla che la classa sa fatschentia cun temas da la promoziun da la sanadad e da la prevenziun. Per giavischs che pertutgan tut la scola sco il stgaffir cundiziuns generalas che promovon la sanadad ed il svilup d'ina cultura da scola cuminaivla è responsabel il cussegl da scola respectivamain la direcziun da la scola.

Incumbensas da la IPSP (scolas)

Incumbensas generalas

- collavuraziun cun ils posts da servetsch chantunals e cun ils posts spezialisads incumbensads dal chantun
- participaziun a conferenzas regiunalas
- collavuraziun e coordinaziun da las mesiras e dals projects cun las personas competentas sin plaun communal

Incumbensas iniziativas

- planisaziun e realisaziun da mesiras e da projects da scolas che promovon la sanadad, en cas da basegn en collavuraziun cun la partiziun per la promoziun da la sanadad e per la prevenziun da l'Uffizi da sanadad
- inoltraziun dal preventiv a l'autoritad competente per mesiras e per projects da la promoziun da la sanadad e da la prevenziun en la scola

Incumbensas d'infurmaziun

- infurmaziun e cussegliaziun da l'autoritad da scola e da las personas d'instrucziun davart dumondas da la promoziun da la sanadad e da la prevenziun en la scola
- enviament dal material d'infurmaziun a la gruppa en mira respectiva
- lavur da publicitad